


直泄天機圖



到這田地知這道理且莫歡喜咄未知如何寶劍沈埋古嶽邊
 虹光夜夜上衝天虎龍戰罷三田靜何處求他永與鉛嘎嘎
 嘻嘻且休認鹿為馬一箇玄珠在泥底

詩曰

牛女橋邊路不通 河車運去杳無蹤

道藏輯要

青華祕文

三

奎集一

憑誰問得真消息 吹徹重關藉異風

直泄天機論

金丹之圖既成天機尤祕且論五行之顛倒述水火之流行
 明藥材之進退體日用之循環此書直泄天機動見毫髮化
 頑石而成金點瓦礫而成玉

夫兩目為役神之舍顧瞻視矚神常不得離兩耳為送神之地
 百里之音聞於耳神隨之而去兩鼻為勞神之位隨感而辨薰
 猶辨之者誰神也使耳目口鼻皆知眉則神安而全不為後天
 亦不勞修煉大抵忘於目則神歸於鼎而視於內蓋綿綿若存
 之時目垂而下顧也忘於耳則神歸於鼎而聞於內綿綿若存